

LITTERAE COOPTATIONIS IN

PIAM SOCIETATEM MISSIONVM

A SERVO DEI VINCENTIO

PALLOTTI FVNDATAM

SVB TVTELA IMMACVLATAE VIRGINIS

MARIAE APOSTOLORVM REGINAE



Selecto in Christo Domino Reuerendo Domini Joanni Bosco Rectori Majori Salsianae Societatis.

Quum in hanc nostram Piam Societatem adscribi postulaveris, ut operam tuam conferas ad propagandam Fidem inter infideles, haereticos et schismaticos, nec non ad magis augendam charitatem inter Catholicos iuxta finem eiusdem Societatis; Nos qui huic Societati licet indigni praesumus, dum Domino benedicimus qui mittit Operarios in messem suam, votis tuis libenter annuentes, te per hasce Litteras manu nostra subscriptas, sigilloque Nostri Officii munitas, in hanc Piam Societatem suscipimus atque cooptamus, *nec non tuam Societatem in honorem et sub protectione S. Francisci Salesii institutam.*

Scias itaque te virtute praesentium, participem fieri omnium Missarum, Horarum Canoniarum recitationis, Evangelici Ministerii exercitationis, Precum, Contemplationum, Poenitentiarum, Carnis macerationum, ac caeterorum bonorum spiritualium, quae tam privatim quam publice, non modo a Nostra hac Societate, verum etiam a Religiosis Ordinibus Monachorum, Fratrum, Clericorum Regularium, Sodalitatum, necnon a Monialibus iisdem Ordinibus subiectis, adiuvante Omnipotenti Deo, ubique terrarum peraguntur: uti constat ex Rescripto P A P A E P I I IX. dato die 1 Iulii 1847. quod in Archiviis Piae Nostrae Societatis ad SSmi Salvatoris in Unda asservatur. Insuper noveris te lucrari posse Indulgentias fere innumeras illorum Religiosorum Ordinum quibus a Summis Pontificibus datum est eas aliis communicare, quasque Nostrae Societati communicasse, tum ex Registris eorundem Religiosorum Ordinum, tum ex eorum Diplommatibus concessionis patet.

Quod quum exequimur, speramus fore ut sit tibi incitamentum efficax strenue et perseveranter in vinea Domini collaborandi, ad maiorem eiusdem Omnipotentis Dei Gloriam, ad destruendum peccatum, ad salvandas animas. Quod faxit Deus per intercessionem Immaculae M. V. Apostolorum Reginae.

Datum Romae e S. Recessu SSmi Salvatoris in Unda. Die 12 Mens. *Maji* Ann. 1884.

Pro Rectore Generali

Carolus Maria Orlandi
Sacerdos dictae Sive Societatis
Missionum.

A Secretis

